



Inatsisartuni ilaasortaq Kristian Jeremiassen, Inuit Ataqatigiit  
/Maani

## **Aasianni umiarsualiviup talittarfiani angallat kivisimasoq pillugu § 37 naapertorlugu apeqquteqaammut 2021-113-imut akissut**

27-08-2021

Sulliaq nr.: 2021 - 14662

Id. nr. 67284836

Asasara Kristian Jeremiassen

Inatsisartut suleriaasianni § 37 naapertorlugu Aasianni umiarsualiviup talittarfiani angallat kivisimasoq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

### **Apeqqu 1. Aasianni amutsiviup talittarfianiittoq angallat kivinikoq kiap akisussaaffingivaa?**

Akissut: Angallammik kivisimasumik piginnittup angallatip peerneqarnissaa akisussaaffigaa, tamannalu *Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaanni nr. 43-mi, 23. november 2017-imeersumi* § 5-imut nassuiaatini allassimavoq.

### **Apeqqu 2. Pinginnittut peqquneqarniarpat peerneqarnissaa pillugu?**

Akissut: Kommune Qeqertalimmit ilisimatitsissutigineqarpoq, *Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaanni nr. 43-mi, 23. november 2017-imeersumi* kapitali 2 naapertorlugu angallatip peerneqarnissaanut peqqussummik 8. juli 2021-mi sapaatit akunnerannik arfineq pingasunik piffissaliilluni nassiussisoqarsimasoq.

### **Apeqqu 3. Qaqagu amutsiviup talittarfianiittoq peerneqassava?**

Akissut: Takuuk apeqqu normu 2-mut akissut.

### **Apeqqu 4. Kiap akilissavaa angallatip peerneqarnissaa?**

Akissut: Angallatip peernissaanut iginnissaanullu aningaasartuutit *Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaanni nr. 43-mi, 23. november 2017-imeersumi* kapitali 2 naapertorlugu akisussaasuusumit akilerneqartussaapput.

## **Apeqquut 5. Ikerasassuarmittoq 1980-kkunniussangunartoq ikkarlinnikoq peerneqarniarpa?**

Akissut: Angallat ikerasassuarmittoq umiarsualivimmiingilaq, taamaattumillu taanna Imaani avatangiisinut inatsit atuuttoq naapertorlugu peerneqartussaavoq.

Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfik ilisimatitsivoq:

*"Angallatinut umiarsualiviit avataanniittunut tunngaviusumik immami avatangiisinut inatsit tunngavigalugu peerneqarnissaannut peqqussuteqartoqartarpoq. Sulihamili pineqartumi piffissaq ima sivisutigisoq ingerlasimavoq, peernissanut peqqussuteqarnissamut tunngavissaaruttoqarsimalluni. Tamatuma peqatigisaanik angallatip pisoqaassusia pissutigalugu angallatip akuutissanik mingutsitsisinnaasunik imaqarsinnaanera killeqarpoq, taamatullu angallat angallattunut akornutaasutut isumaqarfigineqanngilaq. Taakku peqquutigalugit maannarpiaq angallatip peerneqarnissaanut pilersaaruteqartoqanngilaq."*

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Naaja H. Nathanielsen